

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

rentur omnes, hinc heroum filiae noxae, pauperes vero gubernant mundum tam in choro, quam in foro, 1. Cor. 1. v. 26. 27.

II. Operatio, quæ duplex, Erit enim

1. *Præcursor*, qui viam Domino parare debet. Hoc ipsum præstítit Johannes, juxta vaticinia, Mal. 3. v. 1. Es. 40. v. 3. Primò pœnitentia prædicatione. Secundò, baptisimi inchoatione. Tertiò, Christi demonstratione.

Si Christus adhuc hodie in corda nostra ingredi debet, oportet ei viam parari per concionem pœnitentia. Non ingreditur Christus per gratiam, nisi Johannes viam ipsi paret per pœnitentiam. Proinde si fideles Johannis Baptiste successores conciones pœnitentia acuunt, statuamus per illas viam Christo parari, qui libenter in corde humiliato & contrito habitare solet, Es. 66. v. 2. & corpus peccatis subditum non introibit Sap. 1. v. 4.

2. *Praeceptor*, qui scientiam salutis dabit plebi ejus, ut porrò inquit Zacharias. Hoc effectum dedit Johannes, quando per verbum Evangelii homines ad verum Dei salvatorem, e. ad Christum deduxit, & veram salutis viam ipsis commonstravit. Illa scientia salutis consistit

1. *In peccatorum remissione*. Consentit Paulus Rom. 4. vers. 6. 7. 8. Hoc contra Pontificios probè notandum est, qui salutem nostram consistere docent in justitia propria inhærente, vel actuali. Sed illa profectò imperfecta est, & contaminata, tanquam pannus menstruata, Eta. 64. vers. 6. adeoque coram Dei judicio consistere non potest, Psalm. 143. vers. 3. Manet ergo conclusum Pauli Ephel. 2. vers. 8. gratia salutis estis per fidem, & hoc non ex vobis, Dei donum est, non ex operibus, ne quis

glorietur. Si autem ex gratia, jam non ex operibus, alias gratia non esset gratia, Rom. 11. v. 6.

2. *In meriti Christi applicatione*. Id quod Zacharias innuit, quando viscera misericordia divina depraedicit, in quibus visitavit nos oriens ex alto. Hic oriens ex alto Christus est, sol justitiae, Malach. 4. v. 2. nos sedebamus in tenebris & regione mortis, Es. 9. vers. 1. amiseramus lucem divinæ cognitionis & justitiae, conclusi in carcere peccati, & mortis tenebris adjudicati: Sed viscera misericordia divinæ super nos commota sunt, noluit nos Deus æterno existio relinquiri, sed misit filium, qui tanquam oriens ex alto nos visitavit, & spiritualem non minus quam æternam lucem nobis attulit, Johan. 1. vers. 9. 8. vers. 12. quisquis igitur credit in filium non peribit, sed vitam æternam habebit, Joh. 3. v. 16.

3. *In via pacis ambulatione*. Via justitiae est via pacis. Nulla enim major pax conscientiae, quam cum per fidem in Christum Deo reconciliati sumus, & conscientiam habemus pacatam, quæ non reprehendit nos, 1. Iohan. 3. vers. 21. hoc iuge convivium est, Proverb. 15. vers. 15. In hac via pacis non curremus absque offensa, pedes saepe labescunt, & titubant, requiritur ergo ut Deus nos ditigat, ne lapsu aliquo praecoccupemur, Galath. 6. vers. 1. & si forte cadimus, quod justis etiam contigit, Prov. 24. vers. 16. protinus tamen resurgemus, juxta promissionem, Psalm. 37. vers. 24. tunc aliquando sedebimus in pulchritudine pacis & in tabernaculis fiduciae, & in requie securitatis, Esa. 32. v. 18.

De Tertio.

R Estat pars III. nimirum consequens eventus, ubi describitur

1. *Modus*:

In Die Iohannis Baptista.

376

I. *Modus educationis.* Ponitur enim hic
1. *Etatis augmentum*, quod creverit
indies, & staturam tandem virilem assecutus
sit. Hoc Dei opus est. Primus homo in
statura perfecta conditus est, sed hodie na-
scimur infantes, & cum tempore crescimus,
donec robur & staturam attingimus, quæ
viros decet.

Agnoscite Vos mei, hoc etatis nostræ
augmentum, & pro eo Deo grates agite, ut
Hiob cap. 10. vers. 9. seqq. & David Ps. 139.
vers. 14.

2. *Spiritus incrementum.* Non solum
crevit corpore, sed etiam spiritu, cuius do-
na habuit eximia, quæ cum annis discrecio-
nis se magis & magis exercuerunt. Hoc
hodie promovetur per disciplinam schola-
sticam & economicam, ad exemplum Sa-
lomonis, quem misit Pater ejus David in
manu Nathanis, 2. Sam. 12. v. 25. confer
Prov. 22. v. 15.

II. *Locus commorationis.* Nam in de-
serto fuit, ut inquit Evangelista. Hoc ar-
ripiunt Pontifici, & Johannem primum A-
nachoretam fuisse contendunt, ut vitam
monasticam aliquo argumento fulciant,
quæ in tota Scriptura nullum aliæ funda-
mentum habet. Sed perperùm. Joha-
nes habuit peculiarem eam ad rem vocatio-
nem, Prophetarum oraculis præfertim, Esa.
40. v. 3. & ipsius Dei mandato confirmata-
tam. Sed Monachi in Papatu omni Dei
mandato, verbo & vocatione destituuntur.
Siquidem nullibi eis præceptum est, ut ho-
minum reliktâ conversatione in eremum se-
cedant, eo cum primis animo, ut mortifi-
câ vitâ sua Dei gratiam & delictorum ve-

niam consequantur. Ita alligatur Christi
gratia, & remissio peccatorum ad loca de-
ferta & penetralia, quod Christus de falsis
Doctoribus prædixit, Matth. 24. vers.
23. 26.

III. *Tempus emigrationis*, iws ipiges
āvadīz̄os āv̄, donec veniret tempus, quo
ostendendus erat apud Israel. Licet enim
divinitus ad ministerium segregatus, & ante
suam nativitatem voce Prophetatum & An-
gelorum declaratus esset Doctor populi
hebrei, tamen ad docendum prodire voluit,
donec ipse Deus aliquo singulari indicio
tempus designaret, quo faciendum esset
prædicationis initium.

Discant igitur Ecclesiarum ministri, ne
sine divina vocatione in tam arduum & am-
plum munus sese ingerant, nemo quippe su-
mere sibi debet hunc honorem, sed qui vo-
catus est, ut & Aarón, Ebr. 5. v. 4.

Necessaria est hæc admonitio, ut certi
sint ministri de vocatione sua, ac nō sint, se
non aliunde irrupisse in ovile Dei, sed me-
diante legitimâ vocatione intrâsse per ve-
rum ostium, ut & auxilium Sp. S. eo certius
sibi polliceri, & temptationum tempore fir-
mius consistere possint, suâ hâc ordinariâ
vocatione freti & fisi, quæ etsi non est im-
mediata ut Iohannis Baptistæ fuit, divina
tamen est, si fiat Ecclesiæ consensu, & au-
thoritate Presbyteri. Tales etiam à Spi-
ritu Sancto constituti dicuntur, Acto. 20.
vers. 28. sufficiant hæc. Faxit Deus T. O.
M. ut quod audivimus, bono corde con-
servemus, & fructum afferamus in
patientia per Jesum Christum,
Amen.

In Die